

Á R S S K Ý R S L A

KÓRFUKNATTLEIKSSAMBANDS ÍSLANDS

1 9 6 8

Stjórn:

Stjórn KÍÍ var þannig skipuð á árinu:

Bogi Þorsteinsson, formaður,  
Magnús Björnsson, vara-formaður  
Þráinn Scheving Sigurjónsson, féhirðir,  
Gunnar Petersen, fundarritari,  
Magnús Sigurðsson, bréfritari,  
Helgi Sigurðsson, formaður útbr. nefndar,  
Jón Eysteinnsson, formaður laga- og leikreglnanefndar.

Fastar nefndir starfandi á árinu:

Útbreiðslunefnd:

Helgi Sigurðsson formaður,  
Ásgeir Guðmundsson,  
Sigurður P. Gíslason.

Laga- og leikreglnanefnd:

Jón Eysteinnsson, formaður,  
Guðmundur Þorsteinsson,  
Gunnar Gunnarsson.

Landsliðsnefnd:

Þráinn Scheving Sigurjónsson,  
Jón Eysteinnsson,  
Guðmundur Þorsteinsson.

Landsliðsbjálfi:

Guðmundur Þorsteinsson.

Frankvæðanefnd Polar Cup:

Magnús Björnsson, formaður,  
Helgi Sigurðsson,  
Einar Matthíasson.

### Stjórnarstörf.

Alls voru haldnir 38 bókaðir stjórnarfundir á árinu, auk fjölmargra nefndafunda og funda með körfuknattleiksmönnum. Eins og jafnan áður, var eitt aðalverkefni stjórnarinnar, að reyna að afla fjár til að standa straum af kostnaði við hina ört vaxandi starfsemi sambandsins.

Íslandsmótið s.l. vetur var stærra og umfangsmeira heldur en nokkru sinni fyrr. Var nú í fyrsta skipti frá stofnun KKÍ, leikið í I. deild utan Reykjavíkur, en bæði Þór á Akureyri og ÍKF í Ytri-Njarðvík, fengu leiki á heimavelli.

Íslandsmótið var að þessu sinni sett á Akureyri, við hátíðlega athöfn, og er það í fyrsta skipti í sögu körfuknattleiksins, sem mótið er sett utan Reykjavíkur.

Frankvæmdastjóri Íslandsmótsins var Guðmundur Þorsteinsson og leysti hann erfitt starf vel af höndum. Talsverð vandraði sköpuðust, svo sem oft áður, vegna hins mikla skorts, sem er á reyndum körfuknattleiksdómurum. Er hér um vandamál að ræða, sem þegar er farið að standa körfuknattleiksíþróttinni fyrir þrifum. Það er neyðarlausn að láta pílta úr II. aldursflokki dæma leiki í I. deild og lítið betra er að leikmenn, skuli dæma hvor annars leiki. Er ekki nema mannlegt, að leikmaður sem dæmir, veiti sérstakar gætur mótherja sínum úr fyrri leik og eigi þá stundum erfitt að gæta fyllsta hlutleysis.

Annað aðalverkefni stjórnar KKÍ á þessu starfsári, var undirbúningur og framkvæmd Polar Cup mótsins, eða Norðurlanda-meistaramótsins í körfuknattleik, sem háð var í Reykjavík um síðustu páska. Þar sem hér var um að ræða fyrsta Norðurlanda-meistaramót í flokkaíþróttum karla, sem haldið hefir verið hér á landi, þá var ekki hægt að sækja forskriftina um framkvæmd slíks móts til annara, heldur varð framkvæmdanefnd mótsins að ryðja sínar eigin brautir.

Það sem einkum vakti athygli við framkvæmd þessa móts og var sérstaklega ánægjulegt og uppörfandi fyrir stjórn KKÍ, var það, að undantekningarlaust, voru allir þeir mörgu körfuknattleiksmenn, sem leita þurfti til um aðstoð, reiðubúinir að starfa, að framkvæmd og undirbúningi mótsins.

Fyrir alla þá miklu aðstoð vill stjórn KKÍ færa körfuknattleiksmönnum sérstakar þakkir.

Nánar segir frá framkvæmd mótsins í skýrslu P.C. nefndar.

Gjafir, sem KKÍ hafa borist á árinu.

Frá Körfuknattleikssambandi Svíþjóðar: Oddféni.

Frá Körfuknattleikssambandi Noregs: Áletruð fánastöng með fána.

Frá Körfuknattleikssambandi Finnlands: Fánastöng með fána og útskorin hreinkýr með kálfi.

Frá RADH Frank B. Stone, Keflavíkurflugvelli: Áletraður körfubolti, en það var einmitt keppnisboltinn úr Polar Cup. Hafði sambandið fengið keppnisbolta lánaðan á Keflavíkurflugvelli, þar sem afgreiðsla á keppnisbolta frá Bandaríkjunum, hafði tafist.

Frá framleiðendum VOIT körfubolta, 3 boltar, sem notaðir voru til æfinga fyrir landsliðið og ennfremur hefir sama fyrirtæki lofað að gefa KKÍ 12 bolta, sem væntanlega verða afhentir innan tíðar.

Hákon Jóhannsson, kaupmaður í verzluninni Sport, Laugavegi 13, Reykjavík, færði öllum liðunum, sem kepptu á Polar Cup, sinn boltann hverju að gjöf.

Zinkoff-bikarinn.

Bandaríkjamaðurinn Dave Zinkoff, sendi KKÍ að gjöf, forkunnarfagra stytta af körfuknattleiksmanni, með þeim ummælum, að stytta yrði veitt "besta körfuknattleiksmanni ársins" á leiktímabilinu 1967/68.

Leikmenn I. deildar, voru í lok Íslandsmótsins, látnir velja besta körfuknattleiksmanninn, með leynilegri atkvæðagreiðslu.

Birgir Örn Birgis úr Ármanni, sigraði í þeim kosningum, með talsverðum yfirburðum. Var ánægjulegt að Birgir skyldi verða fyrstur til að hljóta slíka viðurkenningu, en Birgir hefir leikið alla landsleiki Íslands í körfuknattleik, nema unglingslandsleiki.

Undanrás í Evrópumeistaramóti landsliða.

Á þingi Evrópu- og Miðjarðarhafsdeildar FIBA, sem haldið var suður á Ítalíu í júní s.l., var skipað í riðla í undanrásir EM, sem leiknar verða á árinu 1969. Var Íslandi skipað í þann riðil, sem keppir í Stokkhólmi 9.-13. maí n.k.

Auk Íslands eru landslið þessara þjóða í riðlinum:

Svíþjóðar,  
Danmerkur,  
Austur-Þýskalands,  
Tjekkóslóvakíu.

Unglingameistaramót Norðurlanda í körfuknattleik,

Á IV. Körfuknattleiksráðstefnu Norðurlanda, sem haldin var í Reykjavík í sambandi við Polar Cup keppnina s.l. vor, var samþykkt að eina til Unglingameistaramóts Norðurlanda í Körfuknattleik.

Sænska sambandið bauðst til að skipulagga fyrstu keppnina og mun hún væntanlega verða háð í Svíþjóð á árinu 1969.

Með tilliti til hins ágæta árangurs, sem varð af þátttöku okkar í EM unglíngalandsliða 1963, þá telur stjórn KKÍ, að leggja verði höfuðáherzlu á, að taka þátt í NM unglíngalandsliða og væri æskilegt að Ísland gæti verið með í þeirri keppni frá upphafi.

Polar Cup 1970.

Norges Basketballforbund hefir tilkynnt KKÍ, að Polar Cup mótið, verði háð í Oslo dagana 10.-12. apríl 1970.

Þjálfaranámskeið 1969.

Dansk Basketball Forbund hefir tilkynnt, að það muni sjá um næsta norræna þjálfaranámskeiðið og verði það haldið á árinu 1969. Nánar verður tilkynnt síðar, um stað og tíma.

Neitað að viðurkenna Polar Cup.

Eins og venja er, að loknum alþjóðamótum í körfuknattleik, þá voru úrslit leikja á Polar Cup mótinu, send til FIBA og atlast til að þau yrðu birt í mál gagni sambandsins, Basketball International News.

Nú brá svo undarlega við, að KKÍ barst hvassyrð bréf frá Mr. Jónes, aðalritara og framkvæmdastjóra FIBA, þar sem sambandinu var tilkynnt að Polar Cup mótið fengist ekki viðurkennt, sem alþjóðlegt mót, vegna þátttöku Norðmanna, sem ekki hefðu gerzt aðilar að Alþjóðasambandinu, þrátt fyrir ítrekaðar tilraunir. Kostaði þetta mál talsverð bréfaskipti og lauk því þannig að allir geta orðið ánægðir, þ.e. Norðmenn gerðust aðilar að FIBA og Polar Cup hlaut viðurkenningu, sem alþjóðlegt körfuknattleiksmót. Einnig bærust stjórn KKÍ hamingjuóskir frá aðalritaranum, þar sem hann gat þess, að sér hefðu borist frégnir af, að framkvæmd mótsins hefði öll verið til fyrirmyndar.

Þess má einnig geta í þessu sambandi, að KKÍ hafa borist bréf frá bæði finnska og sænska sambandinu, þar sem framkvæmd Polar Cup hér í Reykjavík, er talin hafa verið einhver sú besta, frá upphafi.

Úrvalslið KKRR.

Á síðastliðnum vetri, lék úrvalslið KKRR við úrvalslið af Keflavíkurflugvelli í hinnri árlegu keppni um Sendiherrabikarinn. KKRR sýndi KKÍ þá velvild, að leyfa landsliðinu, að nota þessa leiki, sem æfingaleiki undir Polar Cup mótið. Okkur til mikillar ánægju stóð landsliðið sig með miklum ágætum og vann alla sína leiki. Hafnaði Sendiherrabikarinn í annað skiptið í röð í Reykjavík. Stjórn KKÍ kann KKRR hinar boztu þakkir fyrir, að gefa landsliðinu þetta tækifæri til að leika gegn Bandaríkjamönnum.

KRingar sigursælir.

Körfuknattleiksmenn varnarliðsins á Keflavíkurflugvelli buðu reykvískum körfuknattleiksmönnum til sérstaks haustmóts, sem héð var á Keflavíkurflugvelli í september og október. Liðin sem léku voru úrvalslið flotans, úrvalslið flughersins, ÍRingar, KRingar og sameinað lið KFR og Ármanns.

Á móti þessu sýndu Íslandsmeistarar KR talsverða yfirburði og unnu þeir alla sína leiki. Hlutu þeir veglegan verðlaunagrip að sigurlaunum. Ástæða er til að fagna þessu móti, því að fyrir bragðið, voru körfuknattleiksmenn komnir í nokkra þjálfun þegar Gillette-liðið kom í heimsókn.

Heimsókn körfuknattleiksliðs Gillette Co.

Þann 11. október s.l. var háður í Íþróttahöllinni í Reykjavík keppleikur milli úrvalsliðs KKÍ og körfuknattleiksliðs Gillette Company í Boston. Gillette liðið var á keppnisferðalagi til Evrópu og Afríku, en þjálfari liðsins, Jim Mc Gregor, sendi formanni KKÍ símskeyti, um að liðið væri reiðubúið til að kippa einn leik á Íslandi, á leið sinni austur um haf, gegn \$500 gjaldi, en liðið greiddi sjálft allan ferðakostnað.

Þar sem engar erlendar heimsóknir höfðu verið ákveðnar um þetta leyti og vitað var, að lið sem bandarísk stórfyrirtæki senda í slíkar ferðir, eru mjög sterk, þá ákvað stjórn KKÍ, að taka þessu boði.

Nokkrir af landsliðsmönnum þeim, sem lóku í landsliðinu á Polar Cup-mótinu s.l. vor, voru fjarverandi er leikurinn fór fram, en landsliðsnefnd KKÍ valdi eftirtalda menn í úrvalsliðið:

Brynjólfur Markússon KR,	Kolbeinn Pálsson KR,
Sigurður Thorsteinsen KR,	Kristinn Stefánsson KR,
Agnar Friðriksson ÍR,	Ólafur Thorlacius KFR,
Hjörtur Hásson KR,	Þórir Magnússon KFR,
Birgir Jakobsson ÍR,	Sigurður Helgason KFR,
Gunnar Gunnarsson KR,	Jón Sigurðsson Ármanni.

Leikurinn var mjög harður og skemmtilegur. Úrvalsliðið byrjaði mjög vel og náði 8 stiga forskoti, en er liða tók á hálfleikinn tókst hinum hávæxnari Bandaríkjamönnum að vinna upp forskotið og var staðan í hálfleik 43:37 fyrir Gillette-liðið.

Leiknum lauk með sigri Gillette 100:74 og verður að telja að árangur sá er úrvalsliðið náði, hafi verið mjög athyglisverður. Mun óhætt að fullyrða, að Gillette-liðið hafi verið ótthvert hið sterkasta, sem íslenskir körfuknattleiksmenn hafa nokkru sinni leikið gegn.

Stigahættir af íslensku piltunum voru:

Agnar Friðriksson	22	stig
Birgir Jakobsson	16	"
Kolbeinn Pálsson	15	"
Hjörtur Hansson	16	"

#### Sparta, Prag í desember.

Eitt af þekktustu félagssliðum Evrópu, Sparta - Prag, sem var Tjekkoslavakiumeistarar á s.l. ári, mun verða á ferð til Bandaríkjanna í desember. Það eru samtökin People to People í Bandaríkjunum, sem skipuleggja þessa ferð og hafa þau boðið KKI, að Sparta leiki einn leik hér í Reykjavík, á leið sinni vestur um haf. Þessu boði hefir verið tekið og mun leikurinn væntanlega fara fram laugardaginn 14. desember.

Sparta mun snúa aftur heim til Tjekkoslavakíu um miðjan janúar og stendur okkur einnig til boða, að liðið leiki hér þá. Ekki hefur ennþá verið tekin afstaða til þessa boðs og mun það algjörlega vera háð, aðsókn að leik liðsins í desember.

Þar sem næstum er útilokað, að bjóða erlendum landsliðum hingað til keppni á jafnréttisgrundvelli, þá eru heimsóknir sem þessi, ómetanlegar fyrir körfuknattleiksmenn okkar, sem annars mundu einangrast í íþrótt sinni.

Heimsóknir úrvalsliða, sem eru á keppnisferðum milli Evrópu og Ameríku, gefa okkur tækifæri til, að reyna kraftana við til-  
tölulega sterk lið, og gefur sú keppni okkur nokkra hugmynd um, hvar við erum staddir tæknilega séð, á hverjum tíma.

#### Íþróttamiðstöðin að Laugarvatni.

Á næsta sumri, mun hefjast starfræksla íþróttamiðstöðvar ÍSÍ að Laugarvatni. Mun íþróttamiðstöðin verða starfrækt á tímabilinu frá 5. júlí til 20. september. Héraðssambönd og sérsambönd geta á þessu tímabili fengið afnot af íþróttamiðstöðinni til aðfinga eða námskeiðahalds.

Erlendis, eru íþróttamiðstöðvar sem þessi, taldar vera lyfti-  
stöng fyrir alla íþróttafraeðslu og sérþjálfun á vegum sér-  
sambanda í hverri íþróttagrein. Hafa íslenskir körfuknatt-  
leiksmenn gist tvær slíkar stöðvar, eða Bosön við Stokkhólm  
og íþróttamiðstöð franska ríkisins í úthverfi Parísar.

Engum sem séð hefir þá starfsemi, sem fram hefir farið á  
þessum stöðum, mun hafa dulist, að það var einmitt eitthvað  
í líkingu við þetta, sem íslenska íþróttahreyfingu vantaði.  
Og nú þegar íþróttamiðstöðin á Laugarvatni er tilbúin til  
starfrækslu, þá verða íþróttafélögin og íþróttamennirnir  
sjálfir að sýna þann þroska, að kunna að hagnýta sér þá að-  
stöðu, sem þarna skapast.

Stjórn KKÍ telur það vera höfuðnaðsyn fyrir útbreiðslu og  
tæknilega þróun körfuknattleiksíþróttarinnar, að þegar næsta  
sumar, verði haldið bæði þjálfara- og dómara námskeið að Laugar-  
vatni.

Til þess að slíkt megi takast, þurfa sambandsaðilar að láta í  
ljósi við stjórn KKÍ, að þeir hafi áhuga á þátttöku í slíku  
námskeiði. KKÍ þarf að senda umsókn um aðstöðu að Laugarvatni  
fyrir 1. febrúar n.k. Ennfremur krefst slíkt námskeið mikils  
undirbúnings og þarf jafnvel að fá erlendann þjálfara til að  
kenna körfuknattleiksþjálfun.

Er hér með skorað á alla sambandsaðila, sem áhuga hafa á slíku  
námskeiði, að hafa samband við útbreiðslunefnd KKÍ, fyrir  
miðjan janúar næstkomandi.

Starfsskýrsla Laga- og leikreglna nefndar KKF

1967 - 1968,

Í nefndinni áttu sæti:

Jón Eysteinnsson, formaður,  
Guðmundur Þorsteinsson,  
Gunnar Gunnarsson.

Dómaranámskeið og dómarafundir:

Dómaranámskeið var haldið skömmu fyrir Íslandsmótið og útskrifuðust þá 8 nýir dómara. Guðmundur Þorsteinsson var kennari á námskeiði þessu.

Í fyrra vetur fóru þeir Guðmundur Þorsteinsson og Gunnar Gunnarsson til Borgarness og héldu þar dómaranámskeið. Eigi varð af prófum á námskeiði þessu, en skilin voru eftir í Borgarnesi prófverkefni og skyldi prófað eftir þeim.

Fundur var haldinn með starfandi dómurum í Reykjavík á vegum nefndarinnar og KKF. Á fundinum mættu aðeins 11 starfandi dómara og varð árangur hans því ekki eins mikill og efni stóðu til. Á fundi þessum voru reglurnar ræddar og leitast við að samræma túlkun dómara á þeim. Er nauðsynlegt að slíkir fundir verði haldnir reglulega fyrir hvert mót. Átlunin er að halda dómaranámskeið í Reykjavík í október, en það hefur ekki verið haldið er þetta er ritað.

Polar Cup:

Nefndin ásamt undirnefnd, sem skipuð var í sambandi við Polar Cup, sá um skipun tímavarda og ritara á alla leiki mótsins, en leiknir voru 10 leikir í mótinu. Voru starfsmenn á vegum nefndarinnar átta talsins og ber að þakka þeim öllum vel unnin störf.

Tveir íslenskir dómara dæmdu í mótinu, þeir Ingi Gunnarsson og Marínó Sveinsson og eru þeim færðar sérstakar þakkir fyrir góða frammistöðu.

Í sambandi við Polar Cup var haldin sérstök dómaraáðstefna og stjórnaði henni Jón Eysteinnsson, formaður laga- og leikreglna nefndar.

Laugardaginn 13. apríl voru þessir mættir: Leo Ahlbom, Finnlandi, Torbeb S. Nielsen, Danmörku, Ingi Gunnarsson, Marínó Sveinsson og Jón Eysteinnsson, en Svíar og Norðmenn voru þá ekki komnir. Verður nú skýrt frá því í stuttu máli sem gerðist.

Raðað var endanlega niður dómurum á hvern einstakan leik. Var síðan skipst á skoðunum varðandi túlkun laganna og kom þar fátt nýtt fram, en þó nokkur atriði, sem skýrðust og kom þetta sér sérstaklega vel fyrir okkar dómara.



Annar fundur var svo haldinn daginn eftir, 14. apríl, og voru þá mættir auk þeirra, sem voru á fyrri fundinum, þeir Lennart Rörgren, Svíþjóð og Sten Evju, Noregi. Var nú haldið áfram að ræða um körfuknattleiksreglurnar og annað í sambandi við dóm í körfuknattleik. Urðu umræður all fjörugar og kom ýmislegt fram, sem athyglisvert er.

Laga- og leikreglnanefnd var gefin lítil bók, sem sænska sambandið hefur gefið út, um "dómaratækni", og væri nauðsynlegt að gefa út samskonar kver hér.

#### Ýmislegt:

Þýddar hafa verið leiðbeiningar til körfuknattleiksdómara og verða þær fjölritaðar á næstunni og sendar starfandi körfuknattleiksdómurum.

KKÍ var boðið að senda dómara á námskeið fyrir alþjóðadómara, sem haldið var í Sviss. Enginn íslenskur dómari fór á námskeiðið að þessu sinni, en vinna verður að því, að við eignumst alþjóðadómara, sem allra fyrst.

Dómaraskortur er aðal vandamál nefndarinnar og þrátt fyrir dómaraánámskeið virðist ávallt vanta dómara og er þetta vegna þess, að langflestir af starfandi dómurum eru einnig leikmenn og virðist sem flestir körfuknattleiksmenn, sem hætta að keppa, hætta um leið öllum afskiptum af körfuknattleik. Spurning er hvort við verðum ekki að taka upp launagreiðslur til dómara, og hafa þannig kerfi, að einhver ákveðinn hópur (t.d. 6-8 menn) verði valinn af laga- og leikreglnanefndinni til að dæma í 1. deild, og yrði þeim greitt fyrir þá leiki, en ekki aðra leiki. Þessi hópur væri valinn árlega, en ef menn stæðu sig ekki vel að dómi nefndarinnar féllu þeir niður úr þessum hóp, og aðrir yrðu valdir í staðinn, en til þess að halda sæti sínu í þessum hóp, yrðu þeir einnig að dæma leiki í öðrum flokkum en 1. deild. Með þessu myndi myndast samkeppni meðal dómara landsins, að komast í 1. hóp, og hefðu þá ungar dómara eitthvað að keppa að.

Á vegum nefndarinnar fór dómari á landsmót UMFÍ á Eiðum í júlí-mánuði og dæmdi þar 3 leiki. Samstarf var við KKDÍ við útvegum dómara á Íslandsmót og önnur mót, sem haldin voru úti á landi.

Nefndin telur að endurskoða þurfi mótareglur KKÍ og væri eskilegt, að því verki verði lokið fyrir næsta Íslandsmót.

Íslandsmótið 1968.

Íslandsmótið, hið 17. í röðinni, var haldið á tímabilinu 13. janúar til 17. marz. Var leikið í Laugardalshöllinni, Hálogalandi, Íþróttahúsi Keflavíkurflugvallar, Íþróttasal Njaróvíkur, Íþróttasalnum í Borgarnesi og í Íþróttaskemmunni á Akureyri, en þar var mótið sett og enn fremur keppt í Norðurlandsriðli II. deildar og heimaleikir Þórs í I. deild.

Sú nýjungvar á þessu Íslandsmóti, að verðlaunapeningar voru veittar í öllum aldursflokkum, en ekki aðeins í I. deild, eins og tíðkast hefir á undanförunum árum. Enn fremur voru veitt sérstök verðlaun stigahæzta leikmanni I. deildar og þeim leikmanni sem bezta hittni hafði í vítaköstum, miðað við 20 tilraunir eða fleiri.

Íslandsmótinu hafa verið gerð góð skil í 4. tbl. Íþróttablaðsins 1968, og vísast til þess, Hinsvegar er talið rétt að tölfraeðilegar upplýsingar um mótið, séu birtar í ársskýrslunni.

Íslandsmeistarar 1968:

- I. deild KR  
 II. " í.S.  
 1. flokkur karla: Í.R.  
 2. " " Ármann  
 3. " " UMFS, Borgarnesi  
 4. " " K.F.R.

Meistaraflokkur karla I. deild:

	KR	ÍR	Þór	Árm.	KFR	ÍKF	Fyrri umf. Skorun st.	Seinni umf. Skorun st.	Samtals Skorun st.
	X	64:54	62:50	70:46	89:56	82:49	367:255	10	
KR	X	71:64	49:43	74:66	93:56	76:55			363:284 10
	54:64	X	61:47	67:58	81:65	57:43	320:277	8	
ÍR	64:71	X	73:52	64:52	75:57	50:48			326:280 8
	50:62	47:61	X	56:53	69:59	69:45	291:280	6	
ÞÓR	43:49	52:73	X	55:57	47:53	56:40			253:272 2
	46:70	58:67	53:56	X	46:49	35:36	238:278	0	
Árm.	66:74	52:64	57:55	X	60:43	56:45			291:281 6
	56:89	65:81	59:69	49:46	X	54:56	283:341	2	
KFR	56:93	57:75	53:47	43:60	X	70:45			279:320 4
	49:82	43:57	45:69	36:35	56:54	X	229:297	4	
ÍKF	55:76	48:50	40:56	45:56	45:70	X			233:308 0

ÍKF fellur niður í II. deild.

Meistaraflokkur karla II. deild:

Úrslit:

Norðurlandsriðill:

1.	ÍMA (Akureyri)	2	2	0	82:55	4	stig
2.	KA (Akureyri)	2	1	1	74:75	2	"
3.	Tindastóll (Sauðárkróki)	2	0	2	53:79	0	"

Suður- og Vesturlandsriðill:

1.	ÍS	4	4	0	334:173	8	stig
2.	Skarphéðinn	4	3	1	299:193	6	"
3.	Breiðablik	4	2	2	172:247	4	"
4.	Skállagrímur	4	1	3	188:261	2	"
5.	Snæfell	4	0	4	155:274	0	"

Úrslitaleikur Í.M.A - Í.S. - 70:76

Í.S. flytst upp í I. deild.

1. flokkur karla.

Úrslit:

1.	ÍR	4	3	1	228:187	6	stig
2.	KR	4	3	1	184:157	6	"
3.	ÍS	4	3	1	179:184	6	"
4.	Ármann	4	1	3	138:171	2	"
5.	ÍKF	4	0	4	112:142	0	"

Úrslit þriggja efstu liða:

ÍR - ÍS	55:35
ÍR - KR	58:35
KR - ÍS	38:29

Sigurvegari: ÍR.

2. flokkur karla:

Úrslit:

1.	Ármann	3	3	0	131:80	6	stig
2.	KR	3	2	1	136:99	4	"
3.	ÍR	3	1	2	98:107	2	"
4.	ÍKF	3	0	3	64:143	0	"

3. flokkur karla:

Úrslit:

1.	UMFS	4	4	0	166:115	8	stig
2.	Ármann	5	3	2	176:109	6	"
3.	ÍR	5	3	2	177:124	6	"
4.	KR	5	2	3	148:140	4	"
5.	KFR	4	1	3	102:133	2	"
6.	ÍKF	3	0	3	6:154	0	"

4. flokkur karla:

Úrslit:

1.	KFR	3	3	0	29:7	6	stig
2.	ÍR	3	2	1	30:20	4	"
3.	Ármann	3	1	2	20:44	2	"
4.	KR	3	0	3	15:23	0	"

10 stigahæstu einstaklingar I. deildar:

1.	Pórir Magnússon,	KFR	10	leikir	237	stig	23,7	meðaltal
2.	Einar Bollason,	ÞÓR	10	"	190	"	19,0	"
3.	Kolbeinn Pálsson,	KR	10	"	146	"	14,6	"
4.	Birgir Jakobsson,	ÍR	10	"	144	"	14,4	"
5.	Guttormur Ólafsson,	KR	10	"	136	"	13,6	"
6.	Marinó Sveinsson,	KFR	9	"	122	"	13,5	"
7.	Agnar Friðriksson,	ÍR	10	"	129	"	12,9	"
8.	Birgir Örn Birgis,	Á	9	"	107	"	11,9	"
9.	Hallgrímur Gunnars.	Á	10	"	117	"	11,7	"
10.	Brynjólfur Markúss,	KR	10	"	109	"	10,9	"

VÍTAKÖST

20 skot eða meira.

		<u>Skot</u>	<u>Hitt</u>	<u>%</u>	<u>RÖU</u>
Einar Bollason	ÞÓR	69	48	71,96	1
Pórir Magnússon	KFR	62	35	56,45	8
Anton Bjarnason	ÍR	58	25	43,10	16
Birgir Jakobsson	ÍR	52	30	57,69	6-7
Jón Helgason	ÍKF	52	26	50,00	11-12
Guttormur Ólafsson	KR	44	30	68,18	2
Birgir Örn Birgis	Á	37	19	51,35	10
Jón Friðriksson	ÞÓR	34	15	44,11	14
Sigurður Ingólfsson	Á	34	11	32,35	20
Kolbeinn Pálsson	KR	32	18	56,25	9
Friðbjófur Óskarsson	ÍKF	32	14	43,75	15
Sveinn Kristinsson	Á	30	19	63,34	4
Rúnar Vernharðsson	Á	30	14	46,66	13
Marinó Sveinsson	KFR	27	16	59,25	5
Kristinn Stefánsson	KR	26	17	65,38	3
Brynjólfur Markússon	KR	26	15	57,69	6-7
Hallgrímur Gunnarsson	Á	24	10	41,66	17
Magnús Jónatansson	ÞÓR	24	9	37,50	18
Sigurður Arnbjörnsson	ÍKF	24	5	20,83	21
Sigurður Örn Thorst.	KR	20	10	50,00	11-12
Agnar Friðriksson	ÍR	20	7	35,00	19

VÍTAKÖST  
10-20 skot:

		<u>Skot</u>	<u>Hitt</u>	<u>%</u>
Reynir Óskarsson	ÍKF	10	9	90.00
Guðjón Helgason	ÍKF	18	15	83.33
Hjörtur Hansson	KR	16	12	75.00
Gunnar Gunnarsson	KR	18	13	72.22
Rafn Haraldsson	KFR	14	10	71.42
Sigmar Karlsson	ÍR	12	7	58.33
Sigurður Helgason	KFR	14	8	57.14
Þorsteinn Hallgrímss.	ÍR	16	9	56.25
Pétur Sigurðsson	ÞÓR	14	7	50.00
Einar Gunnarsson	ÍKF	14	7	50.00
Þorlákur Helgason	ÍR	16	8	50.00
Jón Sigurðsson	Á	14	5	35.37
Kristinn Pálsson	Á	18	6	33.33
Helgi Hólm	ÍKF	12	4	33.33
Grímur Valdimarsson	Á	18	3	16.66

VÍTAKÖST - LIÐIÐ ALLS:

	<u>Skot</u>	<u>Hitt</u>	<u>%</u>
KR	190	117	61.57
ÍR	200	99	49.50
ÞÓR	163	91	55.82
KFR	137	80	58.39
Á	205	87	42.43
ÍKF	170	83	47.42

LEIKVÍTI:

		<u>KR</u>	<u>ÍR</u>	<u>ÞÓR</u>	<u>KFR</u>	<u>Á</u>	<u>ÍKF</u>	<u>Samtals leikbrot.</u>
KR	F		21	20	12	11	18	
	S		22	12	19	13	19	167
ÍR	F	13		14	15	15	15	
	S	21		6	18	26	14	157
ÞÓR	F	25	15		17	20	11	
	S	16	11		11	13	24	152
KFR	F	16	21	19		23	21	
	S	23	28	17		19	22	209
Á	F	18	21	25	14		6	
	S	24	14	20	12		16	170
ÍKF	F	26	26	19	11	18		
	S	20	28	13	24	25		210
Alls	brotið á liðum	202	207	165	153	183	166	

F- Fyrri leikur, S- Seinni leikur.

Skýrsla Útbreiðslunefndar KKÍ.

Útbreiðslunefnd KKÍ, var skipuð eftirfarandi mönnum:

Helgi Sigurðsson, formaður,  
Ásgeir Guðmundsson,  
Sigurður P. Gíslason.

Eins og fram kemur í skýrslu nefndarinnar 1967, hefur oft verið rætt á fundum nefndarinnar, hvað hægt sé að gera til að útbreiða körfuknattleik á Íslandi.

Margar hugmyndir hafa komið fram, og var ein þeirra um útgáfu fréttabréfs. Þessi hugmynd hefur nú orðið að raunveruleika, og hafa 4 tölublöð af Fréttabréfi K.K.Í. verið gefin út.

Tilgangurinn með útgáfu þessa fréttabréfs er m.a. sá, að veita þeim aðilum, sem vinna að eflingu körfuknattleiks á Íslandi, upplýsingar um þau mál, sem efst eru á baugi í heimi körfuknattleiksins.

Í fréttabréfinu hafa verið fastir þættir s.s. "Fréttir utan af landsbyggðinni", og "Það er gott að vita.....".

Ein athyglisverðasta greinin, sem komið hefur í fréttabréfinu, er um "Litlu körfuna" (Mini Basket), en það er tegund körfuknattleiks, sem sniðin er fyrir börn. Hér er um mikilvægt verkefni að ræða fyrir næstu stjórn K.K.Í.

Fréttabréf K.K.Í. er ekki haft til sölu, en plástmappa með gyltu lettri á kjöl, hefur verið seld á kostnaðarverði.

Tæknimerki K.K.Í.

Mikill áhugi hefur verið hjá skólafólki að vinna til tækni-merkja K.K.Í.

Reykjaskóli, Hrótafirði, hefur sent skýrslu um próf fyrir tækni-merkja K.K.Í., og kemur þar fram, að 29 nemendur og 1 kennari hafa lokið 1. stigi, þar af 4 stúlkur, 21 nemandi lauk 2. stigi, þar af 5 stúlkur, og 7 piltar luku 3. stigi.

Héraðsskólinn í Reykholti, segir í sinni ársskýrslu að körfuknattleikur hafi verið sú íþróttagrein, sem mest var stunduð. Þar voru 40 nemendur, sem luku 1. stigi, þar af 10 stúlkur.

Á Akureyri hefur mikið líf verið í ungu körfuknattleiksfólki, eins og sjá má af því, að 39 stúlkur og 84 piltar hafa náð 1. stigi, og 26 stúlkur og 36 piltar 2. stigi.

Það er leitt til þess að vita, hve íþróttafélögin í Reykjavík, hafa lítið sinnt tækni-merkjaþrautum.

Hraðmót U.M.S.B.

Dagana 22. 3 '68 - 27. 3 '68, fór fram hraðmót í körfuknattleik að Reykholti, Leirá og Borgarnesi. Í mótinu kepptu 4 félag, sem sendu 15 lið. Keppt var um verðlaunagrip, sem K.K.Í. gaf. Flest stig fékk Ungmennafélagið Skallagrímur þ.e. 26 stig og hlaut það verðlaunagripinn til eignar.

Bikarkeppni K.K.Í.

Hinn 2. maí s.l. sendi Útbreiðslunefndin frá sér eftirfarandi bréf:

"Góðu samherjar.

Á stjórnarfundum K.K.Í. hinn 26 f.m. kom fram tillaga um að fá umsögn félaganna og sambandanna um landið, hvort rétt þætti að gera breytingar á fyrirkomulagi bikarkeppni K.K.Í. og koma á í stað hennar t.d. bæjarkeppni.

Ef til vill mætti fá ípróttamenn blaða, útvarps og sjónvarps á hverjum stað, til þess að velja liðin?

Ástæðan fyrir því, að umræður hafa komið fram um breytingu á bikarkeppninni er m.a. sú, að þátttakan hefur ekki þótt nægilega góð og almenn.

Okkur þætti vænt um að fá álit ykkar um þetta mál sem allra fyrst.

Með ípróttakveðju,

Körfuknattleikssamband Íslands"

Einhverja hluta vegna kom ekkert svarbréf, sem varð til þess, að útbreiðslunefndin taldi sig ekki geta komið bikarkeppni 1968 í framkvæmd með óbreyttu fyrirkomulagi.

Útbreiðslunefndin mun leggja fram tillögur um þetta mál á næsta þingi.

Lokaorð.

Mjög athyglisverð mál hafa komið fram á fundum nefndarinnar, en þegar koma átti þessum málum í framkvæmd virtist vænta framkvæmdaáðila og ef til vill einnig fjármagn.

Það er því mjög þýðingarmikið, að KKÍ ráði sem allra fyrst framkvæmdastjóra, sem taki að sér framkvæmd óleystra mála, jafnframt því að vera tengiliður milli stjórnar KKÍ og einstaklinga, félaga og sambanda um landið. Það eru til fjölmargir einstaklingar og félagasamtök, sem vilja rétta körfuknattleiknum hjálparhönd og sem hafa ekki látið til sín heyra. Til þessara aðila þarf að ná, en þetta dæmi og fjölmörg önnur, sýna fram á það, að framkvæmdastjórn þarf að ráða.

Við náum engum árangri nema við vinnum og leggjum okkur fram til þess að ná honum.



GENERAL INFORMATION

NAME

.....

on .....  
.....

ADDRESS

.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....  
.....

.....

TELEPHONE

.....  
.....  
.....  
.....  
.....

.....

RELIGION

.....  
.....  
.....  
.....  
.....  
.....

.....

.....  
.....  
.....  
.....

.....

FRÁ 14/11 1967 TIL 25/10 1968.

Tekjur:

Útbreiðslustyrkur .....	Kr.	55,000,00	
Skatthluti 1967 og 1968 .....	"	11,200,00	
Kennslustyrkur .....	"	1,389,60	
Styrkir frá öðrum aðilum .....	"	51,000,00	
Tekjur af bikarkeppni 1967 .....	"	2,400,00	

Polur Cup:

Aðgangseyrir .....	Kr.	256,275,00	
Frá útværpi og sjónvarpi .....	"	20,000,00	
Tekjur af leikskrá .....	"	10,570,00	
Seld merki og oddfánar .....	"	14,120,00	

Kr. 300,965,00

Húsaleiga .....	Kr.	69,112,50	
Dyravæðsla .....	"	2,500,00	
Hluti ÍBR af aðgangse. ..	"	22,974,75	
Gisting og uppihald ..	"	61,969,00	
Auglýsingar, oddfánar, merki o.fl. ....	"	61,270,00	
Lúðrasveit .....	"	5,000,00	
Kveðjuhóf .....	"	43,886,00	
Akstur .....	"	10,253,00	
Annar kostnaður .....	"	20,125,80	" 297,091,05 "

3.873,95

---

---

Kr. 124,863,55

---

---

MEMORANDUM

TO : [Illegible]

FROM : [Illegible]

SUBJECT : [Illegible]

[Illegible text follows]

[Illegible text follows]

[Illegible text follows]

[Illegible text follows]

[Illegible]

H I N N 25. O K T Ó B E R 1968.

---

Skuldir:

Ýmsir skuldheimtumenn ..... Kr. 168.093,10

---

---

Kr. 168.093,10

---

---

Reykjavík, 26. október 1968.

Þráinn Scheving (sign).

Við undirritaðir höfum endurskoðað framanskráðan rekstrar- og efnahagsreikning pr. 25/10 1968, fyrir Körfuknattleikssamband Íslands, og ekkert fundið athugavert.

Reykjavík, 1. nóvember 1968,

Gunnar Torfason (sign)

Þórir Guðmundsson (sign).

F J Á R H A G S Á Æ T L U N

K K Í

1 9 6 8 - 1 9 6 9

Gjöld:

Landsliðsæfingar	Kr. 35.000,00
Íslandsmót	" 160.000,00
Þátttaka í Evrópumeistarakeppni landsl.	" 200.000,00
Annar kostnaður	" 30.000,00
	<hr/>
	Kr. 425.000,00
	<hr/> <hr/>

Tekjur:

Útbreiðslustyrkur	Kr. 55.000,00
Skatthluti	" 6.000,00
Íslandsmót	" 160.000,00
Heimsókn Spartak Prag	" 10.000,00
Aðrar tekjur	" 193.000,00
	<hr/>
	Kr. 425.000,00
	<hr/> <hr/>